

Monsieur

180.


Sur l'avis qu'on me donne que messieurs Les Estats
de Zeelande auroyent faitte leurs nominations
à son Altesse des Comp^{ies} vacantes à leur repartioⁿ
pour en eslire des Capitaines: Et que mes Cousins
de Brouqsaut, Lieutenant de la Comp^{ie} de -
nostre Cousin de mesme nom, Commandeur du
Fort St. Anne au P^{ort} de Namur & Wijnkelman
Lieutenant de la Comp^{ie} vacante du feu Capitaine
Hoemaker, en seroyent du nombre: Je prens
la hardiesse, Monsieur, de me joindre pour
interesse^r à leur cause, & sollicitant avecq
eux: Vous suppliant tres humblement de
nous faire la faveur, de vous employer pour
leur avancement devers son Altesse, en tant
que vous pourrez y interposer votre credit:
Les assurances que ie me donne que son Altesse
sera bien informé de leurs capacités & merites,
ne permettent que i' en face une réduction, qui
ne pourroit que trop empescher vos affaires
plus importantes & serieuses par la lecture
d'icelle, & de ce que vous en apprendrez
assez d'ailleurs: Par ce moyen vous en obli-
gerer tant plus à demeurer toute ma vie

Monsieur

Vostre tres humble serviteur

W. Sandtzen

Amstredam le 20^e
d'Octob. 1644.



Monsieur

Monsieur Huygens, Chevalier,
Seig^r de Luylichem, Conseiller
de Secretaire à Son Altesse
Monseig^r Le Prince d'Orange &c
à La Haye

